

Հավելված
ՀՀ կառավարության 2019 թվականի
հունիսի 4-ի N 922 - Լ որոշման

ԿԱՆՈՆԱԴՐՈՒԹՅՈՒՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԶԻՆՎԱԾ ՈՒԺԵՐԻ ԳԼԽԱՎՈՐ ՇՏԱԲԻ

I. ԸՆԴՀԱՆՈՒՐ ԴՐՈՒՅԹՆԵՐ

1. Հայաստանի Հանրապետության զինված ուժերի (այսուհետ՝ զինված ուժեր) գլխավոր շտաբը (այսուհետ՝ գլխավոր շտաբ) Հայաստանի Հանրապետության պաշտպանության նախարարությանը ենթակա մարմին է, որն ապահովում է պաշտպանության ոլորտում Հայաստանի Հանրապետության կառավարության քաղաքականության իրականացումը:
2. Գլխավոր շտաբն ստեղծվում, վերակազմակերպվում է, և նրա գործունեությունը դադարեցվում է օրենքով:
3. Գլխավոր շտաբը գործում է Հայաստանի Հանրապետության Սահմանադրության, օրենքների, իրավական այլ ակտերի և իր կանոնադրության հիման վրա:
4. Գլխավոր շտաբի անվանումն է՝
 - 1) հայերեն՝ Հայաստանի Հանրապետության զինված ուժերի գլխավոր շտաբ.
 - 2)ռուսերեն՝ Генеральный штаб вооруженных сил Республики Армения.
 - 3) անգլերեն՝ General Staff of the Armed Forces of the Republic of Armenia.
 - 4) ֆրանսերեն՝ Etat-Major des Forces Armees de la Republique d'Armenie:

5. Գլխավոր շտաբն ունի Հայաստանի Հանրապետության զինանշանի պատկերով ու իր՝ հայերեն անվանմամբ կլոր կնիք և ձևաթղթեր: Գլխավոր շտաբը կարող է ունենալ խորհրդանշից և անհատականացման այլ միջոցներ:

6. Գլխավոր շտաբի կառուցվածքում ընդգրկվում են գլխավոր շտաբի պետի, գլխավոր շտաբի պետ տեղականների, գլխավոր շտաբի պետի օգնականի պաշտոնները, կառուցվածքային ստորաբաժանումները:

7. Գլխավոր շտաբին Հայաստանի Հանրապետության օրենսդրությամբ սահմանված կարգով կարող է վերապահվել պետական բաժնետոմսերի կամ բաժնեմասերի տիրապետման իրավասություն:

8. Գլխավոր շտաբի գտնվելու վայրն Է՝ Հայաստանի Հանրապետություն, քաղ. Երևան, Բազմանդի 5:

II. ԳԼԽԱՎՈՐ ՇՏԱԲԻ ՆՊԱՏԱԿԸ ԵՎ ԽՆԴԻՐՆԵՐԸ

9. Գլխավոր շտաբի նպատակը զինված ուժերի կողմից Հայաստանի Հանրապետության պաշտպանության, անվտանգության, տարածքային ամրողականության և սահմանների անձեռնմխելիության ռազմական քաղաքականությունն ապահովելն է:

10. Գլխավոր շտաբի խնդիրներն են՝

1) օրենքով սահմանված զինված ուժերի խնդիրների կատարման ապահովումը.

2) հավանական պատերազմի և ռազմական գործողությունների վարման մեջողների ու միջոցների, ռազմական սպառնալիքների կանխատեսման, գնահատման և կանխարգելման միջոցառումների պլանավորման ապահովումը.

3) զինված ուժերի մարտական պատրաստության, մարտական և զորահավաքային անհրաժեշտ պատրաստականության ապահովումը.

4) զինված ուժերի և այլ զորքերի զորահավաքային ու ռազմավարական (օպերատիվ) ծավալման կազմակերպման ապահովումը.

5) զինված ուժերի անձնակազմի բարոյահոգերանական պատրաստության և հայրենասիրական դաստիարակության, զինվորական կարգապահության ամրապնդման ապահովումը.

6) պահեստագորային պատրաստության իրականացման ապահովումը.

7) զինվորական կառավարման համակարգի զարգացման ապահովումը:

III. ԳԼԽԱՎՈՐ ՇՏԱԲԻ ԳՈՐԾԱՌՈՒՅԹՆԵՐԸ

11. Գլխավոր շտաբն իր նպատակի և խնդիրների կենսագործման նպատակով իրականացնում է հետևյալ գործառույթները՝

1) զինված ուժերը զորահավաքային ծավալման ռազմական տեխնիկայով, սպառագինությամբ և նյութական այլ միջոցներով ընթացիկ ու հեռանկարային պլանավորման, ինչպես նաև խաղաղ ժամանակ այդ միջոցների կուտակման, պահպանման և տեղաբաշխման իրականացումը.

2) հետախուզական գործունեության իրականացումը՝ պաշտպանության և անվտանգության նպատակով.

3) խաղաղ ժամանակ զինված ուժերի կապի և տեղեկատվության համակարգի գործունեության ու զարգացման կազմակերպումը, ռազմական դրության կամ պատերազմի ժամանակ այդ համակարգի կիրառման պլանավորումը և ապահովումը.

4) զինված ուժերի օպերատիվ, տեխնիկական և թիկունքային ապահովման կազմակերպումը.

5) այլ զորքերի և ռազմական դրության ժամանակ ստեղծվող հատուկ ստորաբաժանումների զորահավաքային պատրաստության համակարգումը, դրանց զորահավաքային պատրաստականության վերահսկումը.

6) իրավասության սահմաններում, միջազգային պայմանագրերին համապատասխան, օտարերկրյա պետությունների զինված ուժերի և միջազգային կազմակերպությունների հետ ռազմական համագործակցության իրականացումը.

7) զինված ուժերում պետական և ծառայողական գաղտնիքի պահպանման իրականացումը.

8) զինված ուժերի անձնակազմի բարոյահոգերանական պատրաստության, հայրենասիրական դաստիարակության, զինվորական կարգապահության ամրապնդման միջոցառումների իրականացումը.

9) զինված ուժերում տեղեկատվական հակապայքարի կազմակերպումը.

10) պահեստագորային պատրաստության միջոցառումների իրականացումը.

11) զինված ուժերի կադրային քաղաքականության, ռազմագիտական և ռազմակրթական ծրագրերի մշակմանը մասնակցությունն ու իր լիազորությունների շրջանակներում դրանց իրականացումը.

12) իր իրավասության շրջանակներում զինծառայողների և նրանց ընտանիքների անդամների սոցիալական պաշտպանության ապահովման գործընթացին աջակցությունը.

13) օրենքով սահմանված այլ գործառույթների իրականացում:

IV. ԳԼԽԱՎՈՐ ՇՏԱԲԻ ԿԱՌԱՎԱՐՈՒՄԸ ԵՎ ՂԵԿԱՎԱՐՈՒՄԸ

12. Գլխավոր շտաբի կառավարում իրականացնում է Հայաստանի Հանրապետության պաշտպանության նախարարը:

13. Հայաստանի Հանրապետության պաշտպանության նախարարը՝

1) գլխավոր շտաբի կառավարում իրականացնում է Հայաստանի Հանրապետության անվտանգության խորհրդի կողմից որոշված պաշտպանության ոլորտի քաղաքականության հիմնական ուղղությունների շրջանակներում.

2) Հայաստանի Հանրապետության կառավարության հաստատմանն է ներկայացնում գլխավոր շտաբի կանոնադրությունը և դրանում կատարվող փոփոխություններն ու լրացումները.

3) Հայաստանի Հանրապետության պաշտպանության նախարարության միջոցով իրականացնում է գլխավոր շտաբի և նրան ենթակա ստորաբաժանումների գործունեության վերահսկողությունը.

4) լսում է գլխավոր շտաբի գործունեության մասին հաշվետվությունները,քննում է գործունեության ստուգման արդյունքները.

5) վերահսկողություն է իրականացնում գլխավոր շտաբին ամրացված կամ օգտագործման հանձնված պետական սեփականության պահպանության նկատմամբ.

6) հաստատում է գլխավոր շտաբի հաշվեկշիռը.

7) գլխավոր շտաբի գործունեության ապահովման ուղղությամբ իրականացնում է Հայաստանի Հանրապետության օրենսդրությամբ նախատեսված այլ գործառույթներ:

14. Գլխավոր շտաբը ղեկավարում է գլխավոր շտաբի պետը, որը զինված ուժերի անմիջական հրամանատարն է, և հանդիսանում է զինված ուժերի գինվորական ամենաբարձր պաշտոնատար անձը:

15. Ոչ պատերազմական ժամանակ գլխավոր շտաբի պետը ենթակա է Հայաստանի Հանրապետության պաշտպանության նախարարին: Պատերազմի ժամանակ գլխավոր շտաբի պետը ենթակա է զինված ուժերի գերազույն հրամանատարի: Այդպիսի ուղիղ ենթակայությունը չի ձևափոխում զինված ուժերի գերազույն հրամանատարի կողմից չկարգավորված հարցերում զինված ուժերի ղեկավարումն իրականացնող և դրանց նկատմամբ քաղաքացիական վերահսկողությունն ապահովող Հայաստանի Հանրապետության պաշտպանության նախարարին գլխավոր շտաբի պետի ենթակայությունը:

16. Գլխավոր շտաբի պետը՝

- 1) ղեկավարում է գլխավոր շտաբի գործունեությունը, պատասխանատու է գլխավոր շտաբին առաջադրված խնդիրների ու գործառույթների իրականացման համար.
- 2) օրենքով և սույն կանոնադրությամբ նախատեսված գործունեության նպատակին, խնդիրներին և գործառույթներին համապատասխան առաջարկություններ է ներկայացնում Հայաստանի Հանրապետության պաշտպանության նախարարին.
- 3) իր իրավասության սահմաններում արձակում է հրամաններ, տալիս է ցուցումներ, առանց լիազորագրի հանդես է գալիս Հայաստանի Հանրապետության կամ գլխավոր շտաբի անունից, ինչպես նաև տալիս է Հայաստանի Հանրապետության կամ գլխավոր շտաբի անունից հանդես գալու լիազորագրեր, այդ թվում վերալիազորման իրավունքով լիազորագրեր.
- 4) իր իրավասության սահմաններում պաշտոնի նշանակում և պաշտոնից ազատում է զինծառայողների և այլ ծառայողների, շնորհում է զինվորական կոչումներ, կիրառում է խրախուսանքի և կարգապահական տույժի միջոցներ.
- 5) իր իրավասության սահմաններում զինծառայողներին և այլ ծառայողների օրենքով սահմանված կարգով ներկայացնում է պետական պարգևներով պարգևատրման ու պատվավոր կոչումների, գերատեսչական մեդալների շնորհման.
- 6) սահմանում է աշխատանքի բաշխումն իր տեղակալների, խորհրդականի, օգնականի միջև.
- 7) օրենքով և սույն կանոնադրությամբ նախատեսված իր լիազորությունների սահմաններում կասեցնում կամ ուժը կորցրած է ճանաչում իր տեղակալների, գլխավոր շտաբի կառուցվածքային ստորաբաժանումների ղեկավարների՝ Հայաստանի Հանրապետության օրենսդրության պահանջներին հակասող հրամանները,

հրահանգները, որոշումները, հանձնարարությունները, կարգադրությունները և ցուցումները.

8) ամփոփում և Հայաստանի Հանրապետության պաշտպանության նախարարի հաստատմանն է ներկայացնում գլխավոր շտարի գործունեության մասին տարեկան հաշվետվություններն ու հաշվեկշիռը, քննում է դրանց գործունեության ստուգման արդյունքները.

9) Հայաստանի Հանրապետության պաշտպանության նախարարին է ներկայացնում գլխավոր շտարի կանոնադրությունը, գլխավոր շտարի և զինված ուժերի կառուցվածքը, հաստիքային թիվը, գլխավոր շտարի հաստիքացուցակը.

10) հաստատում է գլխավոր շտարի կառուցվածքային ստորաբաժանումների կանոնադրությունները՝ դրանցում սահմանելով կառուցվածքային ստորաբաժանումների իրավասությունները.

11) իրականացնում է հսկողություն գլխավոր շտարին ամրացված պետական սեփականության պահպանության և նպատակային օգտագործման նկատմամբ.

12) Հայաստանի Հանրապետության օրենսդրությամբ նախատեսված դեպքերում և կարգով ստեղծում է իրեն կից խորհրդակցական մարմիններ.

13) իրականացնում է օրենքով նախատեսված այլ լիազորություններ:

17. Գլխավոր շտարի պետի բացակայության դեպքում գլխավոր շտարի պետի պարտականությունները կատարում է գլխավոր շտարի պետի առաջին տեղակալը, իսկ վերջինիս բացակայության դեպքում՝ գլխավոր շտարի պետի ներկայացմամբ և Հայաստանի Հանրապետության պաշտպանության նախարարի հրամանով՝ այլ տեղակալը:

18. Գլխավոր շտարի պետի տեղակալը (առաջին տեղակալը)

1) համակարգում է գլխավոր շտարի աշխատանքները՝ գլխավոր շտարին վերապահված քաղաքականության իրականացման՝ իրեն հանձնարարված քնազակառներում.

2) զլիսավոր շտաբի կառուցվածքային ստորաբաժանումների միջոցով, իր լիազորությունների սահմաններում, համակարգում է զլիսավոր շտաբի՝ իրեն հանձնարարված բնագավառներում քաղաքականության ապահովման համար անհրաժեշտ աշխատանքներ՝ տալով ցուցումներ ու հանձնարարականներ.

3) զլիսավոր շտաբի նպատակներին և խնդիրներին համապատասխան՝ իրեն հանձնարարված բնագավառներում արձակում է հրամաններ, զլիսավոր շտաբի համակարգի մարմիններին տալիս է հանձնարարականներ և առաջադրանքներ, իրականացնում վերահսկողություն դրանց կատարման նկատմամբ.

4) զլիսավոր շտաբի պետին պարբերաբար ներկայացնում է տեղեկատվություն իրեն հանձնարարված բնագավառներում տիրող իրավիճակի մասին.

5) ապահովում է իրեն հանձնարարված բնագավառներում Հայաստանի Հանրապետության պաշտպանության նախարարի և զլիսավոր շտաբի պետի հրամանների ու ցուցումների կատարման նկատմամբ վերահսկողությունը և արդյունքների մասին գեկուցում զլիսավոր շտաբի պետին.

6) իր իրավասության սահմաններում համագործակցում է պետական կառավարման և այլ մարմինների, կազմակերպությունների հետ.

7) իրեն հանձնարարված բնագավառներում համակարգում է զինված ուժերում օրենքով սահմանված համապատասխան ծրագրերի, պլանների մշակման և իրականացման աշխատանքները.

8) զլիսավոր շտաբի պետին ներկայացնում է առաջարկություններ նրա իրավասությանը վերաբերող հարցերի վերաբերյալ.

9) զլիսավոր շտաբի պետի հանձնարարությամբ իրականացնում է այլ գործառույթներ:

19. Գլխավոր շտաբի պետն ունի խորհրդական և օգնական, որոնց միջև սահմանում է աշխատանքի բաշխումը:

20. Գլխավոր շտաբի պետի խորհրդականը, օգնականը՝

1) համաձայնեցնելով գլխավոր շտաբի պետի հետ՝ կազմում են իրենց աշխատանքային ծրագրերը.

2) պարբերաբար գլխավոր շտաբի պետին են ներկայացնում գեկույցներ, անհրաժեշտ տեղեկատվական և վերլուծական նյութեր իրենց հանձնարարված բնագավառներում տիրող իրավիճակի, երևոյթների ու իրադարձությունների մասին և առկա հիմնահարցերի լուծման վերաբերյալ առաջարկություններ.

3) կազմակերպում են քաղաքացիների ընդունելությունը, գլխավոր շտաբի պետի խորհրդակցությունների, հանդիպումների, այցերի և ուղևորությունների նախապատրաստումը, ինչպես նաև ընթացիկ և հեռանկարային աշխատանքների ծրագրերը.

4) գլխավոր շտաբի պետի հանձնարարությամբ մասնակցում են պետական և տեղական ինքնակառավարման մարմիններում, կազմակերպություններում իրենց հանձնարարված բնագավառներին վերաբերող հարցերի քննարկմանը.

5) գլխավոր շտաբի պետի որոշմամբ կարող են մասնակցել գլխավոր շտաբի պետին կից խորհրդակցական մարմինների աշխատանքներին կամ դեկավարել դրանք.

6) գլխավոր շտաբի պետի հանձնարարությամբ հրավիրում են խորհրդակցություններ, կազմակերպում իրենց հանձնարարված հարցերի քննարկումներ.

7) կատարում են գլխավոր շտաբի պետի կողմից սրված այլ հանձնարարականներ:

V. ԳԼԽԱՎՈՐ ՇՏԱԲԻ ԿԱՌՈՒՑՎԱԾՔԱՅԻՆ ՍՏՈՐԱԲԱԺՄԱՆՈՒՄՆԵՐԸ

21. Գլխավոր շտաբի հիմնական մասնագիտական կառուցվածքային ստորաբաժանումներն են՝

1) գլխավոր շտաբի օպերատիվ գլխավոր վարչություն.

- 2) զինված ուժերի պատրաստության գլխավոր վարչություն.
 - 3) զլիսավոր շտարի անձնակազմի կառավարման գլխավոր վարչություն.
 - 4) զլիսավոր շտարի հետախուզության գլխավոր վարչություն.
 - 5) զինված ուժերի հրթիռային զորքերի և հրետանու վարչություն.
 - 6) զինված ուժերի հակաօդային պաշտպանության զորքերի վարչություն.
 - 7) զինված ուժերի ավիացիայի վարչություն.
 - 8) զինված ուժերի ինժեներական զորքերի վարչություն.
 - 9) զինված ուժերի կապի և ավտոմատ կառավարման համակարգերի վարչություն.
 - 10) զինված ուժերի բարոյահողերանական ապահովման վարչություն.
 - 11) զինված ուժերի սպառագինության վարչություն.
 - 12) զինված ուժերի թիկունքի վարչություն.
 - 13) զինված ուժերի ռազմաբժշկական վարչություն.
 - 14) զինված ուժերի ռադիոացիոն, քիմիական, կենսաբանական պաշտպանության զորքերի վարչություն.
 - 15) զլիսավոր շտարի ռադիոէլեկտրոնային պայքարի զորքերի վարչություն.
 - 16) զլիսավոր շտարի զորքերի ծառայության վարչություն.
 - 17) զլիսավոր շտարի գաղտնիության ռեժիմի ապահովման ծառայություն.
 - 18) զլիսավոր շտարի ռազմատեղագրական ծառայություն.
 - 19) զլիսավոր շտարի ստանդարտացման և չափագիտության ծառայություն.
 - 20) զլիսավոր շտարի ռազմանվագախմբային ծառայություն:
22. Գլխավոր շտարին աջակցող մասնագիտական կառուցվածքային ստորաբաժանումներն են՝
- 1) զլիսավոր շտարի վարչակազմակերպչական վարչություն.
 - 2) զլիսավոր շտարի ֆինանսական վարչություն:

VI. ԳԼԽԱՎՈՐ ՇՏԱԲԻ ԳՈՒՅՔԸ

23. Գլխավոր շտաբն ունի ինքնուրույն հաշվեկշիռ:

24. Գլխավոր շտաբի գույքը ձևավորվում է Հայաստանի Հանրապետության օրենսդրությամբ սահմանված կարգով գլխավոր շտաբի տիրապետմանն ու օգտագործմանը հանձնված (ամրացված) գույքից:

25. Գլխավոր շտաբի հաշվեկշում հաշվառված, ինչպես նաև գլխավոր շտաբին հանձնվող գույքի կազմը և չափը որոշում է Հայաստանի Հանրապետության պաշտպանության նախարարը:

26. Գլխավոր շտաբը տիրապետում, օգտագործում, իսկ այլ իրավական ակտերով նախատեսված դեպքերում նաև տնօրինում է իրեն հանձնված գույքը:

VII. ՀԱՇՎԱՊԱՀԱԿԱՆ ՀԱՇՎԱՌՈՒՄԸ ԵՎ ՀԱՇՎԵՏՎՈՒԹՅՈՒՆՆԵՐԸ

27. Գլխավոր շտաբը Հայաստանի Հանրապետության օրենսդրությամբ սահմանված կարգով վարում է հաշվապահական հաշվառում և ներկայացնում է ֆինանսական, հարկային, մաքսային, պարտադիր վճարների ու վիճակագրական հաշվետվություններ, հաշվարկներ, հայտարարագրեր, Հայաստանի Հանրապետության օրենսդրությամբ սահմանված այլ հաշվետվություններ:

28. Գլխավոր շտաբի գործունեության մասին տարեկան ֆինանսական հաշվետվությունների հավաստիությունը կարող է ենթարկվել առողջիւթի (վերստուգման)' Հայաստանի Հանրապետության օրենսդրությամբ սահմանած կարգով:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏԻ ԱՇԽԱՏԱԿԱԶՄԻ
ԴԵԿԱՎԱՐ

Է. ԱՂԱՋԱՆՅԱՆ